

ERA CRASTA

Numerò 57 · març 2007

Impresi sense adreça

Tunèl de Vielha

Eth Plen der Ajuntament de Vielha e Mijaran en session celebrada eth dia 22 de hereuèr de 2007, per unanimitat de toti es partits politics, prenec er acòrd que seguís:

Prumèr.- Instar ath Ministèri de Foment a pressar es trabalhs d'acabament deth nau tunèl de Vielha, tot garantint era seguretat des usatgèrs.

Dusau.- Exigir ath Ministèri de Foment era redaccion deth projècte deth natu traçat dera carretèra Nacionau -230, ath sòn pas pera Val d'Aran, damb eth maxim respècte ar impacte ambientau en territòri.

Tresau.- Arregraïr as servicis d'ermèrgències, fòrces de seguretat e a totes es persones qu'an ajudat e collaborat en restablir era normalitat ena vida vidanta deth país, dempús des afectacions qu'a provocat aguest esbauçament.

AVÍS IMPORTANT

Damb motiu dera reconstrucció dera part deth tunèl de Vielha que s'esbaussèc eth passat mes de hereuèr, eth Ministèri de Foment a informat qu'aguesti trabalhs s'amiaràn entà dauant tanben damb orari nocturn, e que pert ant eth tunèl serà barrat ath transit, tot e qu'ei totaument garantit eth pas des veïculs d'emèrgències.

Er orari de tancament serà de dimenges a dijaus de 23,00 or. enquiàs 05,00 or., tot e que degut ara complicacion des trabalhs autant coma dera meteorologia i pòt auer quauqua variacion.

Entà auer mès informacion sus aguesti talhs podetz trucat tatht 973 64 14 96 pendent es 24 ores deth dia.

Visita deth President dera Generalitat entà Vielha



FOTO: RUBEN MORENO

Eth president dera Generalitat, José Montilla, visitèc era Val d'Aran eth passat diuendres dia 23 de hereuèr. Dempús d'èster recebut peth sindic d'Aran e es conselhèrs generaus ena Casa deth Senhor d'Arròs, eth president se desplaçèc entà Vielha a on visitèc eth nau CEIP Garona que s'a bastit en Betren, en tot èster recebut pes membres deth consistòri, representants docents, e pes mès de 500 alumnes d'aguest centre. Eth President participèc en acte premanit

pes escolans e escolanes deth centre damb era participacion dera Corau e des Pifraires Garona, atau coma era lectura des parlaments elaboradi pes escolans. Entà celebrar aguest dia, er Ajuntament de Vielha e Mijaran aufric un aperitiu a toti es escolans en nau minjador der estudi.

Ara seguida, eth president se desplaçèc entar Ajuntament de Vielha e Mijaran a on signèc en libre d'aunor e expressèc ath dauant de toti es assistenti qu'ua des prioritats deth nau Govern dera Generalitat ei dar eth maxim supòrt possible as entitats municipaus. Acabèc era sua estada en Aran, en tot anar visitar eth tunèl de Vielha.



FOTO: CEIP GARONA

SUMARI

1

Tunèl de Vielha

AVÍS IMPORTANT

Visita deth President dera Generalitat entà Vielha

2

Plen der Ajuntament de Vielha e Mijaran

Òbres deth Plan Unic d'Òbres e Servicis de Catalonha (PUOSC)

3

Entrevista en Ministèri de Foment

Calendari Fiscau Exercici 2007

Bibliotèca Generau de Vielha

Setmana dera Solidaritat

4

Campanha d'arremassada de Sang

HÈSTA DE MAGRÀS

Plen der Ajuntament de Vielha e Mijaran

Eth passat dia 22 de hereuèr se celebrèc eth Plen Ordinari der Ajuntament de Vielha e Mijaran, e entre d'auti se tractèren es ahèrs que seguissen.

APROBACION INICIAU DE DIUÈRSAS MODIFICACIONS DES NORMES SUBSIDIÀRIES E COMPLEMENTÀRIES DE PLANEJAMENT DERA VAL D'ARAN.

- MODIFICACION Núm 57 - PARCÈLLES 9824108 e 9824107 DE VILAC

Er objècte d'aguesta modificacion ei cambiar era qualificacion deth terren corresponent as parcèlles 9824108 e 9824107, plaçades en carrèr Dera Còsta de Vilac, de Clau 2, damb tipe d'edificacion d'alinhacion a viader a Clau 3e d'ordenacion especifica, ja que se melhore era adaptacion dera edificacion ar entor e era complexitat topografica deth solar.

- MODIFICACION Num. 59 - MELHORA DER ANTIC ACCÈS ENTÀ VILAC.

Er objècte d'aguesta modificacion ei un accés rodat pera part baisha deth pòble de Vilac, damb un carrèr d'ua arribentor inferiora ath 15% que facilitarà er accés tara naua urbanizacion a bastir enes parcèlles núm. 9824108 e 9824107 e possibilitarà eth parcatge des veïculs. Aguest viau en cap cas darà possibilitat d'edificabilitat as terrens deth sòn entorn, en tot anar a cargue des promotors era urbanizacion.

- MODIFICACION Num 60- ORDENACION D'ALINHAMENT ATH VIADER ENA PLAÇA MAJOR D'AUBÈRT.

Er objècte ei modificar eth tipe d'ordenacion d'alinhament a viader a ua volumetria especifica, entà adequar-la melhor as

entorns e qu'era bastissa sigue mès respectuosa damb era glèisa e en tot mantier era edificabilitat e densitat. Aguesta modificacion afectarà as parcèlles 6 e 7 dera Plaça Major e 15 e 17 deth Carrèr Major, actuaument qualificades coma Zòna Casc Antic, clau 1.

- MODIFICACION Num 63- PARCÈLLES 9631010 e 9631009 - CTRA. DE MONT, num 2-4.

Degut ara proximitat d'aguests finques ara Glèisa de Sant Pau de Mont, e entà melhorar era sua perspectiva se preten deishar un espaci liure entre es futures edificacions e era glèisa, per tant er objècte d'aguesta modificacion ei qualificar coma viau public, un tròç de 163,93 m2 d'aguest dues finques, plaçades ena carretèra de Mont 2-4 de Mont, que serà destinat a parcatge public.

- MODIFICACION Num 64 - PARCÈLLA 9307504- CTRA. GAUSAC 32.

Se modifique era Clau 3b dea parcèlla 9307504 pera Clau 3e, volumetria especifica. regulatn que autant era edificabilitat coma era densitat se mantieràn, mès era edificacion s'alinhara a viader, en tot cedir ua superfícia de 37,9 m2 que modificarà era sua qualificacio de Cla 3b a viader.

- NAU TERREN URBAN ENTÀ EQUIPAMENTS EDUCATIUS

Er Ajuntament de Vielha e Mijaran meterà a disposicion deth Departament d'Educacion dera Generalitat un nau terren urban damb ua edificabilitat de 1.000 m2 entath bastiment d'un nau edifici destinat as servicis docenti complementaris, coma eth Centre de Recorsi, er Equip d'Assessorament Pedagogic, Escòla d'Adults e Escòla d'Idiòmes.

Òbres deth Plan Unic d'Òbres e Servicis de Catalonha (PUOSC)

Era Generalitat de Catalonha aprovèc eth dia 17 d'octobre der an 2006, eth Plan Unic d'Òbres e Servicis de Catalonha entà enguan, e en çò que tanh ath municipi de Vielha e Mijaran es òbres subvencionades seràn:

ENTITAT MUNICIPAL DESCENTRALIZADA D'ARRÒS E VILA.

1a. Fasa dera ampliacion e rehabilitacion dera sala sociau de Vila

Pressupòst	109.538,00 €
Subvencion PUOSC-PG	80.936,44 €
Aportacion Entitat d'Arròs e Vila	28.601,56 €

ENTITAT MUNICIPAL DESCENTRALIZADA D'AUBÈRT E BETLAN

1a. Fasa dera Urbanizacion integráu deth carrèr e dera Plaça Major d'Aubèrt.

Pressupòst	65.983,12 €
Subvencion PUOSC-PG	22.669,77 €
Subvencion PUOSC-MN	37.129,15 €
Aportacion Entitat Aubèrt-Betlan	6.184,20 €

AJUNTAMENT DE VIELHA E MIJARAN

2au. Fasa dera urbanizacion integráu deth carrèr e plaça Major d'Aubèrt

Pressupòst	156.363,53 €
Subvencion PUOSC-PG	21.004,74 €
Aportacion Vielha e Mijaran	135.358,79 €

2au. Fasa dera urbanizacion integráu deth carrèr Major de Gausac.

Pressupòst	212.534,20 €
Subvencion PUOSC-PG	98.773,00 €
Subvencion PUOSC-MN	50.000,00 €
Aportacion Vielha e Mijaran	63.761,20 €

Substitucion deth hilat d'esgotaders e aigua en carrèr Major de Vielha

Pressupòst	202.737,32 €
Subvencion PUOSC-AT	141.916,12 €
Aportacion Vielha e Mijaran	60.821,20 €

Rehabilitacion deth nuclèu antic de Vielha

Pressupòst	118.164,10 €
Subvencion PUOSC -DL	56.530,13 €
Aportacion Vielha e Mijaran	61.633,97 €

Entrevista en Ministèri de Foment

Eth dia 27 de hereuèr, er alcalde de Vielha Juan Riu e es alcaldes d'Areny, Benabarre e Pont de Suert s'amassèren en Ministèri de Foment en Madrid, damb eth Secretari d'Estat d'Infraestructures, Victor Morlan.

Eth Ministèri se comprometec a iniciar es estudis d'impacte ambientau dera N-230 enes trams enes que cau construïr variants entà evitar qu'eth trafic passe per laguens des pòbles. Per tant er objectiu ei qu'es estudis d'impacte ambientaus siguen dejà redactadi quan se parle deth projècte d'òbra entà avançar es trabalhs.

Victor Morlan, expliquèc que pendent enguan se redactaràn es projèctes constructius dera A-14 enquia Sopeira e higeç qu'er an que ven s'anaràn licitan es diuèrsi trams.

Un aute punt fòrça important que tanben se parlèc siguec es trabalhs de finalizacion deth nau tunèl de Vielha e era limitacion

dera nautada, qu'en aguesti moments non permet eth transit de camions de mès de 4 mètres de nautada.

En aguest sentit, eth Secretari d'Estat d'Infraestructures auancèc, qu'eth nau tunèl serà prèns en noveme ò a començaments de deseme e que permeterà eth transit de camions mès grani e mes pesanti, çò que comportarà un augment important en volum de camions que i passaràn, ja qu'actuaument son entre 700 e 800 ath dia e quan eth tunèl sigue acabat permeterà eth pas de 1.500 a 2000 camions ath dia.

Er alcalde de Vielha, Juan Riu, profitèc era amassada entà demanar ath Ministèri es terrenes dera Avenguda Castièro de Vielha, propietat der Estat, damb er objectiu de basti-i un edifici entà plaça-i es naues dependències de corrèus e desliurar er espaci qu'aucepe ara corrèus que passarie a èster der ajuntament

Calendari Fiscau Exercici 2007

A estat aprovat eth calendari fiscau de recaptacion en volentari des taxes e impòsti deth crubament periodic corresponent ar exercici de 2007, en tot establiar-se es periodes que seguissen:

- Taxa d'entrada de veïculs a trauèrs des trepaders.

Eth periòde de crubament en volentària serà de dus mesi, deth 27 d'abriu ath 28 de junh deth 2007.

- Taxa entara aucupacion de terrenes d'usatge public damb taules e cagires tamb finalitat lucrativa.

Eth periòde de crubament en volentària serà de dus mesi, deth 2 de juriòl ath 3 de seteme deth 2007.

- Taxa entath manteniment deth hilat de subministrament d'aigua potabla.

Eth periòde de crubament en volentària serà de dus mesi, deth 27 d'abriu ath 6 de juriòl deth 2007.


- Impòst deth Canon de Sanejament dera Generalitat de Catalonha.

Eth periòde de crubament en volentària serà de dus mesi, deth 27 d'abriu ath 6 de juriòl deth 2007.

Confeccionadi es padrons de contribüents de taxes e prètzis publics tath 2007, s'expausen ath public per tèrme d'un mes, entà que se pogue examinar e presentar es reclamacion que se creiguen oportunes.

S'avertís que, transcorrut aquest periòde de crubament en volentària, es recebuts incorreràn en recargue deth 10 per 100, enquia que non age estat notificada era providència de constrenhiment. Dempús d'aguest dia, s'exigirà eth recargue deth 20 per 100 en tot iniciar-se eth procediment de crubament en via executiva, somadi es interèssi de demora, e en sòn cas, des còsti deth procediment, d'acòrd damb es 100, 108 e 153 deth Reglament Generau de Recaptacion.

Biblioteca Generau de Vielha



Estadistiques 2006 dera Biblioteca Generau de Vielha

Aguest mes vos hem a conèisher es estadistiques dera Biblioteca Generau de Vielha.

Entad açò qu'ei ath prèst, podetz veir en grafic adjunt era quantitat de documents despartits enes diuèrses categories, d'un totau de **18.713 documents** qu'auem deishat en prèst.

Tanben, pendent est'an passat era Biblioteca Generau recebec en conjunt: **34.434 visitaires**, que 6.724 d'aguesti heren us des cinc punts de connexion d'internet.

Setmana dera Solidaritat

Per tresau an consecutiu era Ajuntament de Vielha e Mijaran a previst celebrar era Setmana dera Solidaritat. Enguan serà deth 16 enquiath 29 d'abriu e coma enes edicions anteriores compdarà damb era collaboracion e participacion de diuèrses entitas, associacions, comèrci e particulars, en tot organizar activitats esportives, culturaus e sociaus, conferències, passe de pellicules, exposicions, tòies, eca...

Enguan era recaptacion anarà destinada entà ARED qu'ei ua fondacion plaçada en Barcelona, e entath "Preventorio de Sibaté", qu'ei un orfanat entà mainades plaçat a 100 Km de Bogotà en Colòmbia.

Cau rebrembar que pendent era Dusau Setmana dera Solidaritat celebrada en mes d'abriu der an passat, s'arremassèren un totau de 8.895,82 € que sigueren destinadi ath finançament tath bastiment de 7 cases entàs "intocables" en Anantapur (Índia), a trauèrs deth projècte "Un hogar digno para cada familia" dera Fondacion Vicente Ferrer

Se ètz interessadi en collaborar o ben en organizar quauqua activitat podetz contactar damb eth Departament de Dinamizacion der Ajuntament de Vielha en 973640018 (Nora)

Campanha d'arremassada de Sang



Foto: Eth Quinze

Era Associacion de Donants de Sang dera Val d'Aran, a previst organizar tath pròplèu dimarts dia 3 d'abriu ua campanha d'arremassada de sang.

Serà ena Sala Polivalenta de Vielha e er orari de 11,00 or. enquiàs 21,00 or.

En aguesta campanha i pòden participar totes aqueres personas majors de 18, e non supause cap risc entara salut.

Ena darrèra campanha organizada i participèren ath torn d'ues 250 donants.

Aguesta campanha compde damb era collaboracion der Ajuntament de Vielha e Mijaran e deth Conselh Generau d'Aran.

HÈSTA DE MAGRÀS

CEIP GARONA

Eth dia 16 de hereuèr, era mainadèra e professorat deth CEIP Garona celebrèren era hèsta de Magràs. Era tematica virèc ath torn deth mon deth comic en tot trasvestir-se era Educacion Infantila dera "Abeja Maya", era mainadèra deth Cicle Iniciau de Primària se vestic de personatges de "Los increíbles", eth cicle Mieï d' "Obelics" e eth cicle superior se trasvestic de "Batman e de Catwoman", atau coma de barbacassi. Toti amassa heren ua passavila pes carrèrs de Vielha entà fin finau cremar eth pipòt e dançar damb era animacion des professors caracterizats de personatges dera revista "Era Garbèra".



PALAI DE GÈU

Tanben eth dia 16 se celebrèc en Palai de Gèu de Vielha era Hèsta de Magràs, en tot arténher fòrça exit ja que compdèren damb era participacion d'us 300 patinaires disfrassadi. Eth Palai de Gèu aufric a toti es participants còca, chocolate e mochets entàs mès petiti e era entrada siguec de franc entà toti es qu'anèren disfrassadi.



SOPAR E BALH DE CARNAVAL

Eth dissabte dia 17 de hereuèr es Ajuntament de Vielha e Mijaran celebrèc era tradiciona Hèsta de Magràs damb un sopar e eth que i participèren ua ueitantea de personas. Ara seguida se celebrèc eth balh que compdèc damb era assisténcia de fòrça vesins uns disfrassadi e es auti non e que tot e que non auien vengut a sopar voleren passar ua bona estona dançant.

